



Narodno pozorište Tuzla

Broj: 1639/22

Tuzla, 14.10.2022. godine

Na osnovu odredaba člana 53. stav (6) Zakona o javnim nabavkama ("Službeni glasnik BiH", broj 39/14) i Člana 25. Pravila JU Narodno pozorište Tuzla, JU Narodno pozorište Tuzla, kao Ugovorni organ donosi:

ODLUKA

o izmjenama Tenderske dokumentacije za javnu nabavku radova: Nastavka radova na rekonstrukciji WC-a za publiku u JU Narodno pozorište Tuzla

I

Ovom odlukom mijenja se Tenderska dokumentacija za javnu nabavku radova: Nastavka radova na rekonstrukciji WC-a za publiku u JU Narodno pozorište Tuzla, broj 1563/22, objavljen na portal javnih nabavki Bosne i Hercegovine dana 04.10.2022. godine, Obavještenje o nabavci broj: 728-7-3-1-3-1/22 (U daljem tekstu: Tenderska dokumentacija).

II

U Tenderskoj dokumentaciji na strani 3 i 4 pod tačkom 11.1 dio teksta:

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

briše se, dok preostali tekst ostaje neizmjenjen.

III

Sve ostale odredbe Tenderske dokumentacije iz tačke I ove odluke ostaju neizmjenjene.

IV

Ova odluka stupa na snagu danom donošenja i biti će objavljena na portal javnih nabavki Bosne i Hercegovine i na web stranici JU Narodno pozorište Tuzla.

O b r a z l o ž e n j e

Javna ustanova Narodno pozorište Tuzla (Ugovorni organ) je na osnovu Odluke o javnoj nabavci broj:1544/22 od 29.09.2022. godine pokrenuo postupak javne nabavke radova: Nastavka radova na rekonstrukciji WC-a za publiku u JU Narodno pozorište Tuzla, te je dana 04.10.2022. godine na portal javnih nabavki objavljeno Obavještenje o nabavci broj: 728-7-3-1-3-1/22.

Odredbom člana 53. stav (6) Zakona o javnim nabavkama ("Službeni glasnik BiH", broj 39/14) između ostalog propisano je da Ugovorni organ može napraviti izmjene i dopune Tenderske dokumentacije pod uslovom da se one dostave zainteresovanim kandidatima/ponuđačima istog dana, a najkasnije 5 (pet) dana prije isteka utvrđenog roka za prijem zahtjeva za učešće ili ponuda, te da, u slučaju da takve izmjene podrazumijevaju suštinsku promjenu predmeta nabavke, Ugovorni organ će produžiti rok za prijem ponuda najmanje 7 (sedam) dana, u zavisnosti od složenosti predmeta nabavke. U skladu sa naprijed navedenim zakonskim odredbama Ugovorni organ produžava rok za prijem ponuda iz razloga što je došlo do greške u pripremi Tenderske dokumentacije.

Naime, u tenderskoj dokumentaciji uočeno je da je Ugovorni organ na strani 3 i 4 pod tačkom 11.1 Tenderske dokumentacije, odredio ukoliko ponuđači imaju zaključen sporazum o reprogramu

obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke, što je u suprotnosti sa Članom 45. Zakona o javnim nabavkama.

Slijedom naprijed navedenog, a postupajući u skladu sa odredbama člana 53. stav (6) Zakona o javnim nabavkama, odlučeno je da se pristupi izmjeni postojeće tenderske dokumentacije shodno ovoj odluci.

